

CNS4267

R ZB 20-08 01098 PD341

PERPADUAN DAN KESTABILAN AGENDA BN ERA MAHATHIR
(Rencana Bernama bersiri sempena ulangtahun
ke-20 Barisan Nasional. 24 Ogos. Ini rencana keenam dan terakhir)
Oleh ZAINOOR SULAIMAN

KUALA LUMPUR: Pintu Barisan Nasional sentiasa terbuka kepada mereka yang sudi.

BN ialah satu organisasi yang menggembleng seberapa banyak tenaga dan kepentingan politik di negara ini.

Perjuangannya mempunyai prinsip-prinsip tertentu. Sesiapa yang sudi menerima prinsip itu, dia bolehlah menyertai BN.

Kata-kata ini diucapkan oleh Perdana Menteri Datuk Seri Dr. Mahathir Mohamad ketika mengambil alih pucuk pimpinan negara dan Barisan Nasional. Meskipun kenyataan itu dibuat 13 tahun lalu, ia tetap relevan dengan perkembangan masa kini.

Kenyataan itu dibuat ketika BN sedang membuat persiapan menghadapi pilihan raya umum dan kini jentera parti telahpun digerakkan di setiap pelusuk negara untuk menghadapi pilihan raya umum pada bila-bila masa.

Kemasukan parti-parti serpihan Parti Bersatu Sabah (PBS) ke pangkuan BN ekoran robohnya kerajaan PBS di Sabah baru-baru ini, jelas membuktikan bahawa BN di bawah pimpinan Dr. Mahathir mengamalkan dasar yang konsisten.

-- Laqi

BN-Mahathir 2 Rencana Bernama

Kata Dr. Mahathir BN memberi peluang kepada setiap parti politik, menyertai kerajaan asalkan ia menerima prinsip perjuangan BN. Beliau tidak mahu mana-mana pihak merasa kecewa atau tertinggal.

Beliau meletakkan Dasar Ekonomi Baru (DEB) ketika itu sebagai teras perjuangan politik untuk memastikan keseimbangan pembangunan ekonomi dengan kestabilan politik.

Kesederhanaan menjadi asas amalan. Perpaduan dan integrasi nasional telah dijadikan agenda utama. Satu zon waktu diperkenalkan untuk merapatkan jurang perbezaan di antara Semenanjung dengan Sabah dan Sarawak.

Meskipun Sabah dan Sarawak dengan Semenanjung dipisahkan oleh Laut Cina Selatan, layanan kepada kedua-dua negeri itu tetap sama seperti negeri-negeri lain di Semenanjung.

Secara tegas beliau berkata Sabah dan Sarawak tidak harus mengambil sikap bahawa terdapat hubungan istimewa antara mereka dengan Kerajaan Persekutuan kerana kedua-duanya mempunyai taraf yang sama dengan negeri-negeri lain.

Katanya lebih cepat penduduk di Sabah dan Sarawak berfikir sebagai rakyat Malaysia dan bukan sebagai rakyat Sabah atau rakyat Sarawak, lebih cepatlah proses integrasi nasional. -- Laqi

BN-Mahathir 3 Rencana Bernama

Perdana Menteri memilih tema "Kerajaan yang Bersih, Cekap dan Beramanah" bagi manifesto BN bagi menghadapi Pilihan raya Umum pertama di bawah kepimpinannya. Sebelum itu beliau telah mengarahkan semua Menteri, Timbalan Menteri, Menteri-menteri Besar dan Ketua Menteri untuk mengisytiharkan harta masing-masing kepada beliau.

Kepimpinan Melalui Teladan, Kad Perakam Waktu, Pensyarikatan Malaysia, Dasar Pandang ke Timur dan Penerapan Nilai-nilai Islam adalah di antara dasar diperkenalkan bagi memperkemas dan meningkatkan kecekapan jentera kerajaan untuk membawa negara ke arah mencapai impian menjadi sebuah negara maju yang disegani.

Demi perpaduan nasional and kesatuan ummah, Dr. Mahathir mengundang PAS menyertai semula BN tetapi PAS menjawab pelawaan itu dengan meletakkan calon menentang Perdana Menteri di Kubang Pasu pada Pilihan raya Umum 22 April 1982.

Beliau mengenang kembali keadaan "aman dan damai" yang wujud sesama umat Islam semasa PAS berada dalam BN pada tahun 1973-74.

Menurut beliau tujuan mengadakan Pilihan raya Umum lebih awal dari jadual iaitu untuk mendapatkan mandat rakyat supaya beliau dapat menumpukan perhatian terhadap rancangan pembangunan negara yang beliau gariskan.

Meskipun BN memenangi 27 kerusi -- 12 Parlimen dan 15 Dewan Undangan Negeri

-- pada hari penamaan calon beliau menasihati jentera parti supaya jangan "mabuk" atau bersenang-senang dengan kemenangan itu bagi memastikan kejayaan cemerlang pada hari pengundian nanti. -- Lagi

BN-Mahathir 4 Rencana Bernama

BN mencapai kemenangan mutlak dalam pilihan raya itu. Dengan mandat baru Dr. Mahathir memimpin kerajaan dengan dasar yang liberal dan terbuka. Siapa sahaja boleh menegur kerajaan termasuk anggota-anggota komponen BN selaras dengan kedudukannya sebagai parti yang benar-benar mewakili semua kaum.

Semanang keterbukaan yang ditekankan oleh Dr. Mahathir telah merapatkan lagi barisan dan persefahaman di kalangan anggota-anggota parti komponen BN.

Menjelang Pilihan raya Umum 1986, isu perpaduan terus ditekankan. Perdana Menteri mengajak rakyat menolak calon yang mewakili kelompok dan unsur yang mahu menghancurkan kestabilan politik negara dengan menaqqatkan keharmonian kaum.

Seruan Dr. Mahathir mendapat sambutan rakyat apabila BN sekali lagi kembali berkuasa dengan majoriti dua pertiga. Beliau gembira berkuas hati kerana azam pembangkang DAP untuk merampas kuasa di Pulau Pinang hanya tinggal impian meskipun prestasi Gerakan dan MCA agak merosot.

BN memenangi 148 kerusi di Parlimen dengan DAP 24, Bebas 4 manakala PAS hanya mampu mengekalkan seorang wakil sahaja di Dewan Rakyat. -- Lagi

BN-Mahathir 5 Rencana Bernama

Kemenangan itu mencerminkan hakikat bahawa rakyat mahukan kestabilan politik dan keharmonian kaum terus kekal di negara ini. Krisis dalam UMNO ekoran perletakan jawatan Datuk Musa Hitam dan kemelesetan ekonomi dunia tidak menjejaskan sokongan padu rakyat terhadap kerajaan BN pimpinan Dr. Mahathir.

Kabinet BN yang dibentuk selepas itu memberi penekanan terhadap pemulihan ekonomi dengan perhatian khusus diberikan untuk menangani masalah pengangguran dan pelaburan.

Kelantan Dr. Mahathir mengecam pembangkang yang meniupkan semangat perkauman berhubungan isu DEB dan hak istimewa orang Melayu mendapat sokongan anggota-anggota komponen BN. Mereka sependapat bahawa matlamat DEB perlu diteruskan selepas tahun 1990.

Perdana Menteri melantik timbalannya Ghafar Baba mengetuai sebuah Jawatankuasa peringkat tinggi untuk mengkaji perlaksanaan DEB dan mencari jalan bagi memastikan pencapaian matlamatnya.

Sebuah Majlis Perundingan Ekonomi Negara (MAPEN) kemudiannya ditubuhkan untuk menqubal dasar ekonomi negara selepas tahun 1990. MAPEN yang diwakili oleh semua golongan profesional dan parti politik memperakukan bahawa intipati dan falasafah DEB dikekalkan dalam dasar ekonomi negara selepas 1990. -- Laqi

BN-Mahathir 6 Rencana Bernama

Meskipun kedudukan dalam UMNO terkuat apabila bekas Menteri Kewangan Tengku Razaleigh Hamzah mengetuai sekumpulan pemimpin UMNO mencabar kepimpinannya dalam pemilihan parti pada tahun 1987 hingga mengakibatkan pendaftaran UMNO dibatalkan, ketokohan dan kepimpinan Dr. Mahathir dalam BN tidak terjejas.

Pemimpin parti-parti komponen BN terus memberikan sokongan padu kepada beliau supaya terus memimpin BN sehingga UMNO didaftarkan semula.

Oleh itu tidaklah menghairankan apabila pakatan pembangkang yang diketuai oleh parti Semangat 46 pimpinan Tengku Razaleigh gagal menumbangkan kerajaan Pusat dalam Pilihan raya Umum yang lalu. Bagaimanapun, dapat dilihat bahawa S46 membantu PAS berkuasa semula di Kelantan. Bagi DAP, hasrat untuk menguasai Pulau Pinang hanya menjadi impian.

Kini jentera pilihan raya BN sudah bergerak ke seluruh negara sebagai persiapan menghadapi pilihan raya umum pada bila-bila masa. Ada pihak meramalkan pilihan raya akan berlangsung pada tahun ini dan terdapat juga tanda-tanda yang ia akan diadakan pada awal tahun hadapan.

Dengan tumbangnya Kerajaan PBS di Sabah, tumpuan BN ialah di Kelantan dan Pulau Pinang. Mampukah Dr. Mahathir menggembleng jentera BN untuk merebut kembali Kelantan? Sekuat manakah benteng pertahanan BN di Pulau Pinang untuk menghadapi serangan DAP dengan projek Tanjung Tigan? -- Bernama